

## Paerewa Paetae

<b>Aronga</b>	Te Reo Rangatira 1.9		
<b>Ingoa</b>	Te tātari i te reo tuhituhi tawhito		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Te Reo Rangatira		
<b>Mana rēhita</b>	Kua rēhitatia	<b>Te rā i mana ai</b>	12 Hakihea 2013
<b>Te rā e arotakengia ai</b>	31 Hakihea 2019	<b>Te rā i puta ai</b>	12 Hakihea 2013

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*ā-Waha, Rautaki Reo*

5 *Ka arohaehae i ngā kōrero me ngā tuhinga Māori ake i runga i te hāngai ki te kaupapa, ki te momo reo me te kaipānui, kaiwhakarongo rānei.*

*ā-Tā, Āheinga Reo*

1 *Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

## Paerewa Paetae

<p><b>Paetae</b> Te tātari i te reo tuhituhi tawhito.</p>	<p>Hei tohu i te paetae:</p> <ul style="list-style-type: none"> <li>• Ka tautohu i ngā tikanga me ngā pānga o: <ul style="list-style-type: none"> <li>– te horopaki</li> <li>– ngā ariā matua</li> <li>– ngā nuka reo – reo kikokiko nei, reo peha nei</li> <li>– te hanganga tuhi.</li> </ul> </li> </ul>
<p><b>Kaiaka</b> He kaiaka te tātari i te reo tuhituhi tawhito.</p>	<p>Hei tohu i te kaiaka:</p> <ul style="list-style-type: none"> <li>• Ka whakaahua i te pānga o ngā āhukatanga o te tuhi kōrero, arā, ko: <ul style="list-style-type: none"> <li>– te pānga o te horopaki</li> <li>– te tuitui ariā</li> <li>– te tika o ngā nuka reo</li> <li>– te hāngai o te hanganga tuhi ki ētahi atu āhukatanga o te tuhinga.</li> </ul> </li> </ul>
<p><b>Kairangi</b> He kairangi te tātari i te reo tuhituhi tawhito.</p>	<p>Hei tohu i te kairangi:</p> <ul style="list-style-type: none"> <li>• Ka mārama ki te pānga o ngā āhukatanga o te reo tuhi kia whaihua ai te tuhinga, arā, ko: <ul style="list-style-type: none"> <li>– te raranga whakaaro</li> <li>– te tuitui āhukatanga tuhituhi (arā, ko ngā nuka reo, ko te raupapa ariā, ko te hanganga tuhi, ko te aha atu, ko te aha atu).</li> </ul> </li> </ul>

## Kōrero Āpiti

1 E whai ake nei ko te whakamāramatanga o ngā kupu whaitake, kīanga rānei:

tātari i te reo tuhituhi tawhito	Ko te arohaehae i ngā āhukatanga o te tuhituhi i mārama ai ngā whakaaro o te kaituhi, i whaitake ai tana tuhituhi, ā, i aro mai ai te hunga pānui.
nuka reo	He tikanga motuhake hei kawē whakaaro, hei kawē kōrero. Ko ētahi o ngā nuka reo i tēnei paerewa ko te whakatangata, ko ngā kupu honohono, ko ngā kupu whakarite.
hanganga tuhi	Ko te kupu whakataki, ko te kōwae whakakapi, ko te raupapa o ngā whakaaro, ko te tuhi kōwae, ko te tuhi whiti, ko te whakatakoto ariā matua me ngā ariā tautoko.

2 He whānui ngā momo tuhinga ka taea: he reo ōkawa, he reo ōpaki, he paki, he tuhinga Māori ake nei, he niupepa tawhito, he tuhinga o mua, he aha atu, he aha atu.

Kuputaka:

ariā matua

main ideas

ariā tautoko	supporting ideas
hanganga tuhi	structure
kōwae whakakapi	conclusion
kupu whakataki	introduction
reo kikokiko	concrete language
reo peha	figure of speech; figurative language
tuhi kōwae	paragraphing
whakatangata	personification

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233